

晚晴移詩匯

晚晴移詩匯卷一百八目錄

洪亮吉

三十三首

張問陶

三十七首

程含章

二首

王志融

六首

劉曾璇

六首

許學會

二首

蔣湘墉

一首

洪坤熿

一首

鍾啟韶

三首

高士釗

二首

魏定一

二首

武溥

一首

張琛

二首

左輔

十二首

葉紹樞

二首

唐仲冕

十三首

王賡言

三首

閻紹世

一首

晚晴移詩匯卷一百八

徐世昌

洪亮吉原名禮吉字稚存號北江陽湖人乾隆庚戌一

甲二名進士授編修有卷菴閣附結軒更生齋等集

詩話北江幼孤母蔣太宜人教之讀績學高才與同里孫淵如黃仲則趙味辛楊西禾呂星垣徐尚之唱和稱爲七子又有孫洪洪黃之稱平生雅嗜遊覽足跡遍吳越楚黔游嵩華黃山皆登絕壁題名於經傳訓詁地理沿革靡不精研詩有真氣亦有奇氣嘗仿鍾嶸詩品評麟同時名家之詩或問君詩何如曰僕蓋詩如其人固自知之矣

曉行

村雞喔喔酒全傾擁被求衣事曉行四野月明迷向背一
山雲出定陰晴春殘苦乏加餐信道遠愁非負米程醉醒
十年前事起馬頭塵夢較淒清

谿南曲

谿西月不華谿北桃無花風光只落谿南路和月和花築
樓住花枝二月人二旬樓高一層春一分谿光已隔畫橋
影柳色自闌疎闌春岸雲凝紅水雲白總遜春衫好顏色
百花開處百禽鳴樓上添衣樓下行尋芳肯到春谿口隄
上行人學垂手放船肯過長河湄牆頭女兒做畫眉畫眉
尙避春鶯見照鬢都疑水禽羨鏡裏濃雲曉上頭竹中輕
粉宵勻面春旛親製初護風樓角三面懸玲瓏眸迎深館
迢迢綠手展文窗扇扇紅星疎夜久愁猶立露冷草香蟲
尙蟄百餅薰籠總厭燒啟帷試放生香入消息今年異往
年客巢新定故巢遷愁邊曉淚疑含露望裏春潮已接天
傷春曾到春臺畔籠鳥生疎茶敢喚背客親移北戶燈呼

鬢更掩重門扇短短疎籬漠漠塵沿谿樓閣對牆身緣知
谿路經三折只共波光住峽辰可憐門左閒亭塢三月誰
爲衆香主拋客年光誓不停迷人草色尋應苦一樣扁舟
去未還五湖蹤跡異三山春來依舊花千樹夢醒空愁月
一彎

元夕看桃

元夕一年居一方接天歌吹來咸陽終南山月盛光采一
夕樓上鋪新黃崇仁坊前百戲陳雜樂共作秦聲尊頗欣
士俗樂豐歲巷少服馬居無人嚴寒初除信風勁風裏試
鐙鐙不定端禮門連長樂樓萬聲壓市囂難聽連宵賓從
席屢移選舞徹夜殊忘疲屏風高障碧天色蠟淚滿堆紅
地衣圍南獨客愁爭逐看花欲來深徑宿避寒三度著春

衫照夢千枝列華燭牆頭月色清可憐桃花一枝影入筵

江南無此早春景自愛枕上看花眠須臾舞寂將殘夜月

向城西鵲巢下一陣簾前料峭風遠雞聲裏寒桃謝鄉間

此時誰復留癯崔瘦蔣成俊遊禮卿橫塘半里足簫鼓鐙

火直接三元樓十年兩度清遊寡更有汪倫手堪把甲午元夕

在揚州庚子客都下江館雲迷宛轉簫帝城月照流離瓦

俱與汪劍潭同遊縹緲嶺納涼

雲門古松三十七三十六株鱗盡裂一松蟠蟠徑離石勢

欲上天猶去尺白雲移松巔巨石忽欲走巖風吹征衣上

險切星斗石鏡露落山泉微光暝色入樹松花初黃人間

殘暑不至此鶴警乍著宜新涼雲光深霞色淺倒影空蒙

衆山顯枕泉半日不飲泉飽向松梢餐露眼

戒壇古松歌

沿山西行日光斷一松如龍黑天半松根一龍榦九龍欲
攫臺殿凌虛空虯枝北出風力駛五里亭邊落松子蒼然
一頂常宿雲巢鶴不敢呼其羣枝蟠入石石不知石竅常
見生靈芝年深力厚觸山破根斷猶穿北山過客行破曉
卽看松高下樓閣清光中南枝迎陽日氣濃北枝臘雪猶
未融倦時眠松根醒時看松色山僧愛松亦如客隔歲松
花餉人食一株旁倚態亦奇偃蓋靜覺春陰移復有一株
雲氣重一風微吹榦俱動寺僧名爲活動松其餘八九縱復橫傾
耳總作龍吟聲初唐武德至今遠山古寺古濤聲平寺創於武
德五年我留三宿非愛山松下百匝偏忘還君不見看松如
我亦無兩黃海終南各千丈余歷遊諸名山所見松惟黃山及終南山樓觀所有最奇

道中作

亂峯高映斜陽赤谷裏人行已深黑溪南新月透山來千
朵白雲遮不得東西秋水隔一村跣涉尙喜山泉溫山村
樹溼昨宵雨石屋泠泠出蠻語

自慧聚寺北行歷化陽朝陽觀音諸洞晚上極樂峯
作

峯形南北殊凹凸入地上天皆一日潛行五里不見天蠟
炬光遠空浮煙莓苔森森綠疑夢蝙蝠手捫皆不動一風
衝出微帶腥足底萬竅聲俱鳴好奇徑欲窮顛末行僮失
聲炬將滅四人急轉我後來風黑恍有千人追是時屈指
當交酉出洞見天天尙晝飲泉百盞神始清坐調鼻息方
遠行樹巔斜行途轉窄鴉點撲人如雨黑東行一洞勢較

低一洞復出清泉西斜陽沈沈嶺頭落客意極疲龕極樂
下方已黑天頂青側帽恐礙當頭星

涉漢欲至峴首輿丁誤入九宮山時日已將暝因小
憩而返

山光欲雨江欲晴雲黑復白波微明此時擊楫涉江去薄
暝始向前山行林梢一抹斜陽色高下山磳一千尺雲中
道士來遠迎語不分明指碑石纍纍林果紅一山傾耳祇
覺禽聲蠻道旁礫石削如鐵山溜滴瀝苔花斑沿岡久立
怯北風送客出戶聞敲鐘昏江稜稜水聲起卻喜一星明
舵尾

阿江汎道中

一山途四出曉日正當頭好鳥背人立清泉擇地流霧歸

僧閣暗雲出寺門浮半晌沿林走偏忘路阻修

重至黔西宿海棠庭院

闌干十二做銀屏尤喜芳時此再經雙柳有情垂檻綠萬
山如夢壓簾青花邊惆悵尋前約葉底參差問曉星依舊
燕鶯飛不定可能重把夜窗扃

九峯圍感舊

一雨園林足泉聲百道來夕陽明蟬竦高閣暗莓苔燕繞
橫塘楫魚窺曲水杯古藤應識我親見五回開

泰山道中

茲山互東方鬱勃截生氣虛輪扇風海空腹入天地其高
無端倪一半植空際滄滄雲出始裊若絲髮細俄焉分道
騁寰宇悉衣被洪荒迨今日年代渺誰記登封壇數尺藉

以驗興替允哉神明區心精默相契

山人渡海來告我山勢尊波面日出時與山相吐吞遙看
不知山謂是天有根峯稜破空垂倒挂日月輪青冥一氣
中高下固不分伊誰啟鴻濛當有主者存雙厓劃然開截
作天東門

一山戴一山重戴至谷口遵山視重戴高僅及社首方知
衆高積拔勢乃得陡山坳環數郡元氣蒸澤藪中虛蘊靈
寶萬古誰敢剖天閭雖已逼地軸亦孔厚七十二代君貞
符藏北斗

山形非徒高遠莫測所屆滄溟三萬里石脈透海外當其
勢奔騰顯越齊魯界低瞻饒岳瀆並此析支派巍巍兼蕩
蕩克配天體大其標難正視萬象恍光怪支峯皆整肅略

不涉奇態風遞滄海濤山前作清籟

三更望茲峯月出石腹內雲容方欲展雷雨已在背明明
神所宅乃復遘陰晦冰柱十丈長驚看石厓戴居然神斧
落厓半亦奔潰回飈搜激電雪月光迸碎遂令登陟客倏
忽迷向背清遊雖暫阻未敢遽思退終當攜松明絕壁掃
蕪穢

自勵

甯作不才木不願爲桔槔桔槔亦何辜頰仰隨汝曹杈枒
適當時旋轉如風濤高原多低枝感汝汲引勞一朝時雨
行棄置眠蓬蒿

甯作無知禽不願爲反舌衆鳥皆啁啾反舌聲不出豈繫
果無聲無乃事容悅依依檐宇下飲啄安且吉何忍視蜀

鵑唳完口流血

同邵進士晉涵尋益然大師塔不得

大師裹足褊禪衣佛手曾殺千熊罷飄然來歸竹窗下野
鳥入掌呼晨饑浮雲白日忽一轉粥魚聲長鬚毛短綠牀
鼠怯劍氣腥隔竹猿窺箭瘢滿旄頭星落白虎傾亘亘宇
宙當銷兵海濱招魯豈同調午日弔屈斯平生於虜男兒
生爲宛禽死作佛生憶名山死歸骨天都成雲盪胸熱上
升爲星下作石枯殘姓氏何足惜自與此山同始卒

皋陶祠三十韻

黃屋衣裳古朱軒日月中九共誰第一四岳譽僉同大澤
思神降元臣翊運隆陳謨歸至道彌教本和衷職亦勤虛
聽心期闢聖聰日稽符二典欽若佐司空永執刑無赦羣

推法至公瘖丞初立禁警暇願持躬瓜削看孤立蝨強敢
內訌兩朝天屢薦三殺帝無功父子訐謀合君臣精一通
神方歆石紐禪已謝諸馮雲鳥搜官紀山龍仰法宮趨庭
原震肅網俗自恢洪唐傳留吁咈羲篇續旅豐勳將十世
宥律本累朝崇六蓼亡何忽蕭曹創豈工遂令常敘失已
見簿書叢漢典頻傳赦流民屢致恫以威能克愛惟獄始
興戎世系差僊李家聲混伯蟲甄衰封未續布起跡猶雄
禮樂雲孫守墳祠木德終荒原餘廟貌古壁繪青紅揖讓
熊羆虎森嚴松柏桐訛方夔一足業比舜重瞳厯殿思成
績瞻筵沐古風居人留宿火行客薦新糴氣已殊光嶽聲
還振曠聾徘徊有餘歎五百見知窮

昭靈宮祈雨詞

阜陽水國當河衝潁汝作會淮作宗淝茨渦汝柳淠從六
水闊絕流成壅二水潁洞聲洶洶導水與水合則深多時
狂飈捲老葑轉曳兔尾牛身鱗尉官鮓鮪文胥鱖三足六
眼趨龜鬣蝦鬚倒垂尺五濃張鱗奮沫敢肆縱淮神怠職
羣且恣俾鯨治水竟罔庸祠官屢沈圭璧琮帝怒下遣電
目睽命截左耳投荒凶青冥赫焉金鞠訕割壤千里頒龍
封龍君甲族匪出封戴以蚪角紅綃籠前身作令儒者容
宮中九男立而升魚鱗著身爪縛胸龍服被體何雍雍髯
翁守州德望顯作碑刻石謬致恭心知其竒不欲攻春享
秋享陳鼓鐘瓊飧玉饗酒百瓮三歲特間一歲糝云官敬
神神惠農沙潰澣流俱淙淙頽爻庖糝膾雩靈神實有術
能彌縫當年闢宮豎楔樅越六百載猶崇墉披圖揭來值

杪奧怪事咄咄欲起訟無何靈宮鼓逢逢神欲索食憑里
蠶側聞災荒懼尤兇麥枯而腓樹乾於其雨其雨思靈靈
神縱有食慙確饑我來龍穴追龍蹤將巫祝辭里具供有
禱而應斯真龍

烏蘭烏素道次

烏蘭以北地不毛極視千里無秋毫窮荒鳥亦拙生計啄
土飲雪居無巢居人覲面能欺客獸復欺人占居宅健兒
彎弓射不得空手歸來氣填臆

重過廢園有感

十二窗櫺敞絳紗關心閒看後時花殘春寥落成秋夢曉
日荒黃似月華憶舊已無機上錦清游思泛斗間槎橫塘
波影空如昔噪盡官私兩部蛙

古香齋柏樹歌爲陳刺史賦

古香齋頭兩株柏出土根同榦如劈主人齋屋斜向東一
樹從南一從北蚪枝擊屋屋已破拔地青蒼刺天黑森然
四角沈陰滿日出當心不能赤人間落落古丈夫天半亭
亭挺孤直飽經雨露顏仍黝不與凡姿競顏色主人愛客
客奇絕三十年前住昕夕客行握別樹始栽樹竟幾番長
過客今來盤薄山齋內樹與主人皆素識摩挲撫樹對主
人可惜主人頭竟白客今行周三萬里樹亦添高廿餘尺
祁連山頭櫛木滿曾遜此株雄且特頂平不待修雷斧榦
老偏能挽風力枝經數折撐霄漢根已三重透泉脈因思
復有三十年樹欲挾天人入穴沈吟不厭百回步徙倚每
聞三歎息十圍櫟樹枝皆俯半里松濤響誰敵心空早厭

禽巢鬧眼冷靜將人海閱商量何物件歲寒移得園東丈
人石

自新塘至伍浦溪行雜詩

溪水綠已窮巖扃忽重閉日華與山翠層疊川上膩前村
爨煙好穿此石林細一徑山雨來寥寥入秋氣

瓜花黃無端被此一川綠晨涼把竿好閒坐此谿曲人家
隔坡水路暗通石谷日午攜榼來人聲出山腹

兩村本一村中有雲水界溪流經數折南北已分派連宵
風色緊目送去帆快人定波有聲神魚望星拜

陸行富桑麻水行富菱芡惟茲雲水鄉不虞年歲儉門前
臨水路鶩鴨數堪點屈指白露交秋禾又將斂

五鼓自伍浦渡湖至東山

到來青歷歷七十二峯巔
駭浪魚先拜驚雷鳥已顛
水聲搖短夢風色眯長年
昨夜前山雨茫茫笠澤煙

吳梅村祠題壁

寂寞城南土一邱野梅零落水雲愁
生無木石填滄海死有祠堂傍弇州
同谷七歌才愈老集中有避難仿杜七歌秣陵一曲

淚俱流興亡忍話前朝事江總歸來已白頭

度柯沖嶺

屋前童失聲屋後山起立
尤愁沙石滑空處不置級斜暉
初沒水行客勢轉急君看厓上樹
迅羽亦不集飛騰如猿猱我僕愧
難及明星三兩顆天已逼斗笠石
罅出一門雷霆復相襲時時涼沁
體衣袂宿雨溼過嶺望九華浚空
向子揖

登別峯菴望海忽值風雨

朝曦色染滄溟綠東望海門如半粟滄溟突處天蕩搖頃
刻已見西來潮象山南頭蒜山尾一舸倒流還數里風威
不敵潮勢狂吹角北岸停帆檣君不見日居萬瓦鱗鱗內
眼暗頭低殊不耐此時懷抱覺暫開足底隱隱聞驚雷天
公似把炎蒸洗東海叱龍龍盡起一响江都電影來翠屏
洲上紅三里

莫愁湖久憩并謁徐中山王畫象

結綺臨春事久非湖北卽清涼山臨春結綺舊址在焉隔坡樓殿尙依稀到
來海燕棲禪幄運去山龍黯袞衣空館尙餘調鶴地眞王
徒剩釣魚磯今湖尙屬中山子孫收稅惟應兒女英雄淚灑向秋空作

雨飛

張問陶字仲治號船山遂甯人乾隆庚戌進士改庶吉

士授檢討官萊州知府有船山詩草

詩話船山弱冠工詩空靈沈鬱獨闢奇境有清二百餘年蜀中詩人無出其右者未仕時計偕入都往返秦蜀感懷身世尤多幽憂牢愁之作論詩絕句有曰聽到宮商諧暢處此中消息幾人知又曰敢爲常語談何易百鍊功純始自天然其自道如此且深以刻意新巧模宋規唐爲非可謂知言其繼室林亦能詩自題小象有修到人間才子婦不辭清瘦似梅花之句爲時傳誦

郊居

清溪荷葉過人頭人倚高寒水上樓紅樹倒吹三日雨黃
花補種一籬秋蠻奴飛鞚學盤馬老嫗隔林呼飯牛坐看
兒童皆楚語幾如賈島客并州

雪中遣興

荒雞上鄰樹嗥破冰簾月殘夢五更寒虛幃一鏡白鐘聲

湖寺啟人語江船發暗牖掩晨光時聞鳥啄雪

金陵阻風卽目

不許歸帆趁晚潮西風十日九停橈魚龍浩蕩三山暮吳
楚青蒼一火遙鴉帶斜陽立牛背人攜暮景在山椒過江
名士皆黃土只剩濤聲似六朝

游蔥嶺同亥白作

卽龍洞背

西歸訪名山蔥嶺秀無敵兀如百丈臺叢樹團秋色削壁
勢橫撐崖下龍門折轟然東衆流萬馬爭一櫪頗聞最上
頭幽異陵空積同氣得尙禽鉤深復何惜杖藜尋古逕時
見蜿蜒迹俛驚塗毒鼓仰接垂雲翼狴鼉吃足音花草亂
扶屐老榦忘冬春危根養孤直連林苦糾纏各擁瓊瓏石
有石必萬竅肉好出神力沈沈何王殿怪鳥聚簷額玉座

長寒苔衣塵黯如客更披虎豹叢忽露仙靈宅空明小石
城三戶敞虛白日瘦鍾乳堅風泉漏巖隙寰區擾羣動繁
響此中寂靈境自常留人心驚乍獲若置蒜山東彈指炫
金碧葆真畏疏鑿甘向遐荒匿談笑謝吳人金焦奇不得

劍州官道古松歌

長松不合縮離別一望雲巒盡蕭瑟海風怒攫龍畫吟白
日無光照巖缺橫蟠百里如控縱奇姿萬態羞雷同相逢
往往若緇素不然蚪髯鐵肋真英雄卿胡爲此鄙瑣事細
看懸佩書官字嶺頭日日送行人銷盡拏雲無限志吁嗟
哉羣生位置亦有緣山林廊廟皆徒然君不見眉山大節
凜千古英風偉翰凌中天枕椰林外老閒散不如檣櫟終
天年又不見滇南謫戍古遺直踏歌放浪悲蠻煙金雞永

月身言目分一二五
十一

絕刀環夢至今相門雙桂空連蜷知君不詡煙霞癖大野
通都聊混迹道旁終有有心人偃蹇龍鱗當自惜怪石何
年同入貢轉教楓柳爭嘲弄棟梁之遇自古難可歎大材
成小用

出棧

馬嘶人語亂斜陽漠漠連阡水稻香送險亭邊一回首萬
峯飛舞下陳倉

天彭井絡指螺收險語驚魂逐處留明日題詩歸夢穩澹
煙喬木是綿州

雪後過新樂

人天乍高潔車馬亦閒閒霽雪澹平野朝雲明遠山清虛
集草木蕭爽來心顏欲跨青驢背因之乘興還

野曠陰晴亂沙沈草樹涼城寒出雞犬籬破見牛羊人貌
羲皇古河流浦澈長滿前圖畫意只是倦津梁

青神舟中不得見峨眉山與亥白兄飲酒排悶

青神縣前江水灣白雲遮斷峨眉山平生罵佛得奇報僮
僕驚疑無好顏我到人間無不可肯隨老媪談因果酒壘
乍破一船香後祭江神先祭我醉後聊傾一杯酒爲問普
賢猶在否我今未死普賢死眼底請看誰不朽世人結隊
朝峨眉一步一拜頭頰頰峨眉見我獨逃避畢竟我奇山
未奇丹稜彭君古豪傑對子常笑峨眉劣曾向華嚴頂上
來尺山寸水皆能說始知古人多妄語偶然託與非心許
君不見宋玉高唐賦最工巫山可有行雲女

壬子十二月六日與亥白兄攜酒游凌雲山

腳踏凌雲峯手摩大佛頂大佛縮項向西笑公等觀世真
平等是時水涵江水閒一山濃翠浮波間古洞轟轟答人
語懸崖竒木根如環傾耳附石壁風浪聲潺潺大笑如游
海門國眼前只少松寥山興到親提一壺酒兄酬弟勸環
山走酒肉淋漓過戒壇寺僧捫舌如狗饒開山鑿險誰之
功後有韋皋前海通一心愛人如愛佛揮金剜眼皆英雄
我輩來游直游戲姓名何必留天地碑版零星碎欲無千
年生死真容易卻對山泉憐浩劫泉清恐有蛟龍蟄人外
尋詩呼白雲石根温酒攢紅葉荒祠四面青山青大蘇獨
坐愁零丁我拉遺像欲飛去旁人指點疑仙靈不封萬戶
侯不識韓荆州停舟聊痛飲醉中並忘凌雲游隔江遙問
漢嘉守此遊頗勝東坡否

臘八日過敘州

風掠晴雲澹不收，夕陽吹影上扁舟。
帖山樓殿平如畫，插水林巒碎欲流。
爆竹聲繁逢臘日，荔枝香冷過戎州。
船窗自擊泥頭酒，味諫軒南爲少留。

碧水丹山好畫圖，一江金翠影模糊。
層峯細碎通烏撒，古塔高寒表慶符。
蠻女蹋歌愁欲絕，巴舩維纜暮相呼。
題詩眞作天涯客，何必淹留笑賈胡。

白帝城

直爲高光死英雄，獨使君山川猶涕淚。
城郭自風雲雉堞，臨江出鵲聲隔岸聞。
巴人眞梗絕容易，話三分。

冬夜稚存招同壽民雪中飲酒旣醉作歌

雪光忽照玻璃瓊，城南故人爭折簡。
藻翰紛飛酒氣濃，化

身十萬難分遣驅車我獨訪洪厓七年古雪曾同埋舊詩
重讀天猶笑有客旁觀呼絕調扛來大甕高于我我擊泥
頭客吹火夜色蒼茫天乍低鬚眉恐被同雲裹一園老樹
枝杈枒盤空干翅飛驚鴉舉杯臨風問黑帝誰儲萬斛空
中花空中花影英英白鋪向人間作瑤席鼈飲輪囷牛飲
豪此中醉卧能留迹嗚呼百年聚散如鴻爪傀儡登場任
顛倒瞥眼流光喚不回浮蹤一過真如埽飛金尊擊玉壺
仰天叩缶聲烏烏不知二豪侍側是何物但覺我非故我
吾忘吾今之歌者其誰乎

戊午二月九日出棧宿寶雞縣題壁

羣盜如毛久未平棧雲來往一身輕干戈草草催離別婚
宦勞勞累死生有用年華拌棄擲無聊家計費經營關山

銷盡輪囷鐵猛虎磨牙看此行

石磴縈紆戰馬虀入山符疊辟兵符殺人敢恕民非盜報
國真愁將不儒豺虎縱橫隨地有貂蟬恩寵愧心無荒寒
驛路恩恩過焦土連雲萬骨枯

輕裝休問辦裝錢短堠長亭望悄然燐火飛殘新戰壘枯
骸吹斷舊人煙此中託命惟奔馬何處招魂不杜鵑大帥
連兵甘縱賊生靈塗炭已三年

窮山避亂敞軍門威望遙遙萬馬屯不戰豈能收殺運無
功先已負君恩祇聞怨毒歸諸將可有心肝奉至尊一樣
沙場征戍死模糊敢信是忠魂

功罪朦朧令自寬苞苴餽贈且偷安民窮轉覺軍中好寇
過惟從壁上觀俗吏飛騰推挽易妖氛飄警送迎難逍遙

無暇談攻守不及鄉農早議團

故事虛張諭蜀文懸軍安養募新軍山中城破官仍在閭
外兵譁將不聞大賈隨營緣我富連村無寇是誰焚烽煙
未掃偏流毒萬鬼含冤指陣雲

連城閉後萬山荒忍棄郊原作戰場賊有先聲如唳鶴官
無奇策任亡羊飄搖鴻雁飛難緩潦草弓旌氣不揚猶勝
驕淫諸將吏移營終歲避鋒鏑

憂憤書來處處同故人幾輩尙從戎能文未易參軍事有
口都能說戰功爲我經心籌去住看君彈指變窮通東溟
西域曾帷幕猛將還應憶海公

斷無苻拔混麒麟大酒肥羊誤保身攘劫翻誇裨將勇需
求誰諒縣官貧賊能退舍尊廉吏令敢梟渠起義民祇爲

英雄惜成敗論兵安肯恕庸人

莫倚重關護益州時危曾困武鄉侯誰看鴻鵠猶扶耒人
佩刀韃早賣牛戰鬪心疲干帳冷驚呼聲亂一城秋老師
糜餉成何事宵旰空貽聖主憂

三川人滿欲烹珠曾問今年米價無餉道幾難通劍閣商
船新已斷夔巫蟬連糧運舟車險錯雜民風土馬麤猶幸
未搖根本地尙留嚴武在成都

漢沔東流雪未消軍符絡繹馬蹏驕倉皇鬼蜮來無定破
碎峯巒望轉遙地險不聞由我據城危幾度看人燒商於
何止關秦楚隴蜀河潼路萬條

嫠也橫行起禍胎桃花馬上看重來不貽巾幗先逢怒欲
辨雌雄已自猜黃鵠特翻貞女調白蓮都爲美人開請纓

便是秦良玉可惜征苗失此材

千里奇峯接宕渠才問王

三冉

文

又高

均

徐

德

德

城

狐

中

夜

聲相應穴鼠空山技有餘焚掠難歸皆盜賊風波未定且

吹噓傷心已亂無全策祇仗天威盡勦除

議撫招降計已施凋殘民力久支持不明賞罰終何益眞
舉才能儻未遲將相有權甘自棄英雄無種要人爲孫吳
兵法非天授誰竭誠謀報主知

纔過黎州又鳳州含情重問草涼樓磨驢步步皆陳迹風
柳條條是別愁花鳥三春禁雨雪關河千里見戈矛元戎
誰有書生膽快馬輕刀自遠游

長途心緒久寒灰蜀壘秦關去復回兩地有家離聚苦連
營無路夢魂猜幾人還唱從軍樂何日眞逢撥亂才行盡

殘山重歎息年時已是賊中來

夔萬巴渠鳥路長通秦連楚鬪豺狼天如有意屠邊徼我
忍無情哭故鄉八口艱虞猶劍外一身飄忽又陳倉風詩
已廢哀重寫不是傷心古戰場

七月初四日喜晴

風櫺敞虛白久雨愛晴光病葉黏雙屐奇書散一牀酒情
延夜月詩夢闌秋堂小助山林想疎花種幾行

搖落

西風小搖落無雨亦蒼涼鷹眼摩晴昊蟬聲戰夕陽身濕
安穀法人問作金方細領清貧味垂簾古硯香

小園卽事

晴松雨竹影參差小圃春寒綠意遲試爪雞鳧傷嫩草安

巢鳥鵲選枯枝生憐蠹葉成何識祇恐鳴蛙總爲私花底
閉門無事飲破窗風味古人知

十六日雪中渡江

故人折簡近相招一舸橫江路不遙醇酒暗消京口雪大
帆平壓海門潮揚州燈火難爲月吳市笙歌賸此簫那管
風濤千萬里妙蓮兩朵是金焦

程含章字月川景東人乾隆壬子舉人由知縣官至山
東巡撫有嶺南集山左集

弔端坑

千夫挽水水千尺百夫篝火火青碧蛇行猿引爭幽宮日
向端溪鑿硯石端溪石硯美如何地肺天精山水腋寶墨
融融津液生銀毫湛湛心手適坐令歛石與澄泥奴隸一

朝盡減色自從唐宋元明來鬼斧神工響未寂山腹如懸
破釜空百孔千瘡罔護惜臨流我爲端山歌山靈有知定
隕泣直木先伐古所悲甘泉先竭事厯厯珠池寶井怨誰
招金鑛銀坑總自賊古來幾人如孝肅肯使精華留餘力
君今有翼飛天涯天涯難絕匠人蹟請君變作青石峯壽
與長江共無極

滇江石山歌

滇江石山不可模如花如火如浮圖羣龍矯首薄霄漢澄
潭挺出新芙蓉玉筍經雨出林谷旁無枝葉柯節疎毋乃
南華老人恣狡獪號召百怪來山祖惜哉不令李杜見刻
劃形狀無模糊昌黎南來不過此子瞻垂老無全書坐令
冷落嶺嶠外紛紛名字隨俗呼我欲題詩洗荒陋筆力不

逮韓與蘇譬之擊筑歌鳴誰歎聽者能無狙

王志澍字幼海華州人乾隆壬子舉人官絳州直隸州

知州有澹粹軒詩草

灞上偶成

秋風灞上老楊枝策騎重來又幾時我祇無心成厲揭河
流深淺自參差

晴煙瓦屋野人家屋上青山一縷斜林樹何嫌霜氣拂丹
黃轉得傲春花

京邸屢謁翁覃溪先生鑒賞古帖並爲題宋芝山所
畫陶園圖

熙朝文獻屬公多高卧雲松靜玉珂臺閣於今閒白傳軒
齋滿壁畫東坡揮毫道絕人俱老鑒古啞然昔半詭自愧

王喬塵兩舄容攜拜具禮維摩

竹樹茅檐二華西畫圖何幸得新題春帆細雨懷邗上明月流虹落渭溪珊瑚網一時名輩盛長城五字古人齊從今不悵仙凡隔洞口桃花有路蹊

新春入省介休道中有作

聽訟雲中亦靜緣黃塵烏帽感華顛漢槐沽酒還今日灞柳懷鄉又一年水帶冰流波有骨山當雪霽樹無煙乍離水繞山環地萬里春風到馬前

定州題壁

沙磧城荒帶雨痕溪添秋水渡黃昏遠煙深處雙禽沒平野蒼然一塔尊雪浪空盆遺石在蘭亭定本幾人存頻來未忍怱怱去旅舍凝懷坐又溫

劉曾璇字蔭渠鹽山人乾隆壬子舉人由學正歷官泰
安知縣有蓮窗書室詩鈔

早發過雞鳴驛是日至宣府

雞鳴傳古驛到此恰雞鳴路狹斜臨澗山高遠見城土風
鄰北口人語雜西聲回首關南道寒雲一望平

自嘲

生平文字最相親竟爲斗升羈此身得米如添新寶物看
書似遇故鄉人荒齋也可爲安宅徒步何妨當畫輪盤裏
猶餘陳苜蓿無須逢客說清貧

歸田

魚思故池水鳥戀舊林枝眷懷桑梓地舍此欲何之廿載
老寒氈況味已深知風塵日鞅掌夙願非所期邈矣陶靖

節長吟歸來辭

十年不還鄉莓苔封門戶今我復歸來舊地幸有主先人
做廬在猶可庇風雨徙倚步廳前槐蔭滿庭宇俯仰增感
慨風月無今古

一從歸竹社外事不相關早起覺日長寬然有餘閒兀坐
南窗下恍游雲水間取我舊時業一字嚴增刪聊以遣歲
月敢說藏名山

嵇康懶寄書澹臺不由徑豈曰誇孤高迂疎本成性得閒
且課孫自覺心神定囊橐留一錢圖書餘半乘依然是故
吾猶有松菊興

許學曾字固庵號辨香仁和人乾隆壬子舉人官武義

訓導

詩話固庵先爲龍游學官有示諸生詩云粗期學術無門戶未必人才判古今誦者稱其教士之篤勁節樓爲孫節母作

仙家香引返魂清續命絲長懺一生似有天風樓上護不教吹下步虛聲

楹書留與後人持見說金萱領絳帷文字因緣全悟卻拈花微笑不言時

蔣湘塘字之翰湘鄉人乾隆王子舉人

寄懷

誰道離心白羽輕倚欄惆悵若爲情月明海上天如曙春入河流夜有聲千里傳書無過雁五更疎夢怕嘯鶯西窗別後人何計憔悴芳華隔鳳城

洪坤煊字載厚號地齋臨海人乾隆王子舉人有地齋

詩草

白牛居士跨犢歌

一封莎草平蕪色江南十里春如織青楓涇畔夕陽時跨
上烏犢人不識水田漠漠煙濛濛輕蓑短笠嬉涼風東郊
雨晴泥路滑四蹠踏破花蹊紅萬言獻罷歸來早熙甯新
法太草草遠傳風教憶河汾桑麻自古溪流好南山白石
清水寒何人長夜歌漫漫黃昏飯牛飼轅下明日橫經角
上看

鍾啟韶字琴德號鳳石新會人乾隆壬子舉人有讀書
樓詩鈔

渡黃河

徐州河聲吞吐襄千家圍住河隄底隄東一塔出高寒影

插黃河半天水我向徐州問官渡棹上河聲上流處是時
北風刮河隄芒碭山色迷東西欲雪未雪天雲低驚沙拂
水馬鬣齊立馬滿船風裏嘶驛程更指荒村口駐馬河邊
一回首符離迢遞接彭城只隔江南數行柳逢人借問荆
山河春水未上橋不波揮手去矣吾顏醜大河以北春風
多

澗墅

暝雲迢遞接吳宮點點歸鴉淡淡風半月橋橫深樹底萬
家鐙碎亂流中惠泉沽酒愁堪破陽羨營田計亦工何事
離人眠不得赤欄干外唱煙鴻

漫興

勞人肺病得秋閒落葉聲中獨掩關如此風光能不醉拒

霜花外夕陽山

高士釗字酉山順德人乾隆壬子舉人有北游草

詩話酉山治古文與謝澧浦庶常並有名於時澧浦主濬發酉山主峻探所見不同而各能詣極詩清矯

見筆力

中宿峽

我行近十日已至峽山麓雙崖豁翠屏林巒迭起伏奔湍
瀉清駛盤渦此一蓄遙傳古帝子脫屣來空谷至今清月
夜笙簫出深竹吾本澹岩人遐想結邁軸投身入塵寰浮
名苦徵逐峽中數往來半生愧碌碌賦詩謝山靈苦語聊
自勸

澄懷園篔坡先生直廬卽目

山青水碧繞朱檐綺檻花敲砌草纖傍午輕陰移小樹新

秋涼思入疏簾地饒泉石心偏遠人到蓬壺夢亦恬十載
御憐江海客天香衣上一痕添

魏定一字元伯號不坡又號也埜恩安人乾隆壬子舉
人有松竹吟藁

安定感秋

三峯天外落嵐翠壓孤城月出山頭小泉飛屋角鳴公庭
愛鳥迹客枕厭蟲聲一夜西風起無眠白髮生

更號也埜題句

山水園林寄此身閒人號埜慕前人釣魚竿外殊無事種
樹書中別有春松徑竹溪安用畫牧童田父可相親良朋
漫索詩文藁未許浮名易性眞

武溥字廓如號半芋狄道人乾隆壬子舉人有懶眞齋

詩草

九日同友人登白塔山

盛地三年別華筵九日開河流當檻曲塔影過城來露冷
黃華瘦風高白雁哀陶公多逸興樽酒愧追陪

張琛字問亭宛平人乾隆壬子副貢官紫陽知縣有日
鋤齋詩存

太史公墓

蠶室非其罪龍門寄此身黃河坼地闊青史比天尊死後
文章顯生前寺宦論大人都見屈灑涕石留痕
不憐降將意竟上大夫刑史例開三代詞華重六經豕高
埋聖筆河曲護文星陵也真欺汝居然仕二庭

左輔字仲甫號杏莊陽湖人乾隆癸丑進士由安徽知

縣官至湖南巡撫有念宛齋詩集

王柳村曰杏莊爲令清約勤慎仿王文成十家牌法
實心施行邑無盜警以餘力賦詩句奇格正有唐人
之勝符南樵曰仲甫先生永安宮詩無限唱歎無
限感慨惜之非貶之也集中此等傑作不可僕指詩
人之正

則也
詩話杏莊早年與洪稚存黃仲則趙味辛諸人唱和
才情橫溢寄託遙深久官皖中循名爲一時之冠聖
誤去職初願園尙書爲巡撫疏薦特旨召用感遇詩
云殊想何意原三宥舉主難逢第一流自此受知當
寧屢邀特擢及陟封圻已年逾七十除夕感懷云愧
負君民驚晚歲遙憐兒女說衰翁生日自述云百年
何物酬知己一念須憂負此生意味深厚
見名臣襟抱非復文人吟風弄月常語矣

題黃仲則蒲團看劍圖

昔年讀書復擊劍如今按劍將逃禪雄心豈向湖海盡欲
攝天地歸蒲團魚鱗不合尙鳴躍憐君猶被嗔猿縛納之
入匣悄無聲如鳥歸巢水歸壑四山風急號颺颺虛堂嵌

空佛火青松蘿藏雲不知曉白日欲雨天冥冥誰歎甘此
坐衰朽仍倚長虹燭牛斗剗蛟不讓飲飛先成佛肯隨靈
運後側身天地何處歸此意沈吟恨難剖還君此圖爲君
壽畢竟生才天不苟神物會合當有時黃郎嶮岨將安之

犁田行

平林月落煙如霧鬼火星星滿歸路斷碑銜口不能言知
是何人埋骨處青山流水自年年昔人新冢今人田縱橫
白骨已無主烏犍犁田糞田土糞田田肥農喜懽吁嗟乎
夜長鬼哭天漫漫

蟬

訴盡齊宮怨蕭蕭續苦聲芳華銷短夢風露貸餘生疏柳
長洲苑殘陽白下城吟軀聽欲瘦辛苦爲關情

秋燕

覓向花前舊雨稀
此身將逐海雲歸
豪門絲管晚蕭瑟
大道樓臺多是非
江渚羈魂迷暮雨
簾鉤小影立斜暉
故巢曾住難拋卻
猶睇雕梁不忍飛

黃牛峽

黃牛當楚西夔巫勢同抗
江流此再束輕快思一放
連山崩頽雲奇石湧驚浪
神人儼高跂怪獸兀相向
合形爭結構庠者猶倔強
盡洩造化藏餘美不一長
居人出巖竇如粟黏壁上
風急隕雜花水湍漂汲益
鐘聲動黃陵悽聽巴女唱

馬肝峽

上灘路忽窮一磯兀門峽
厓交若牛鬪高浪跨其胛
竅怒

鼻口呀節攖蹠股插劃然忽中分稍入石已歷何年荆肺
肝瓜離爪誰搯名異久驚疑狀詭滋恐獨奇氣固難降和
平亦已乏雲陰屢虧蔽遠見天霄霄重山久思出去水想
觀法物理亮不誣冥悟情已洽

新灘

奔流衝石去石立不水受水怒石亦險相迫吞噉久迴流
忽漩舞蓄極力愈厚壯與蛟鱷騰聲挾風雨吼牽舟攖水
怒石險乘水後水轉不怒石挾石爲伍偶火仗操百人火仗
毛竹四破綴以麻菅移晷尙灘口上灘如上山灘立若山陡畏水更
畏石石去水可狃使君與空矜行者戒勿苟胡爲設巨險
汔濟畏濡首其中多不平激盪固所有誰能安其瀾時無

五丁手

巫峽

東西渡瀼溪溪轉峽角對奔騰逐江來飛舞與人會中蓄
萬古靈排空障旌旆根穿潛蚪宮石壓飛鳥背盪摩出寶
氣倏忽走光怪神仙歸有所雲雨出其內勢極衡湘長高
與天谷配何年破山腹於此納萬派譌傳愵令鑿轉忘禹
功大屹爲巴西門險絕蜀東塞

西陵峽

寒山主西陵雲外見積石垂崖盤千層一氣轉地脈古藤
捎天青飛流界空白劃然開瞿唐萬水如矢激猿鳥墮危
梯魚龍齧粉壁陰陰夔巫間千古雷雨黑沈犀魘水怪事
幻理難格聖人不任智事事有開闢淫預戒舟航功大非
假力吾將撇舟去三歎此遺迹

永安宮

氣盡吞吳日天非祚漢時中原仍國賊小憤豈王師寢殿
愁風雨荒城偃鼓旗祇餘遺詔在堪作典謨垂

過兒邱集有感

澤雁哀鳴急河流積潦深疇紆濟時策我愧讀書心古木
餘殘照荒祠接夕陰無緣薦蘋藻征馬又駸駸

殘月篇

雞鳴客登車殘月見樹頭昏如幽人窺澗戶怯如病女臨
妝樓悄如離心挂天角五更風起吹欲落合煙斂霧愁窗
紗又如空院將殘花低徊孤影看不已水驛山程忽千里
天長魂斷不可招帖帖寒光墮如水

葉紹楨字琴柯歸安人乾隆癸丑進士官至廣西巡撫

有謹墨齋詩鈔

客暨陽得沁園春詞錄寄許竹嶼大令賸以二絕句
枇杷庭院長莓苔小閣輕陰燕子來吟徧江南落花處斷
腸人是賀方回

新愁多付沁園春儘說麤豪亦愴神不敢尊前歌子夜知
君同是未歸人

唐仲冕字六枳號陶山善化人乾隆癸丑進士由知縣
歷官陝西布政使有陶山詩錄

詩話陶山躬際承平起家牧令清詩美政流播吳中
今閩門滄浪亭有五百名賢石刻首泰伯以仲冕殿
其見重如此秦小峴謂其詩通於政王揚甫稱其不
克施諸官者則寓諸詩集中如元結春陵賦退之篇
藉民事以通諷論者多不勝選陶山自言初宗韓蘇
後效岑高譚於精專貪多喜雜願其筆橫才高實能
銘鑄衆長自成機軸故有轉酪成酥之美

趙北口

一奩春縠縹輕紋十二橋邊草色薰
趙北煙波迥無際竹
西風月許平分鶯聲漸合芳津柳帆影遙牽別浦雲絕憶
江干風日暝買魚沽酒趁斜曛

登南嶽祝融峯

炎精貫注出蒼冥
顛骨嶙峋表赤靈
青玉壇邊橫半壁朱
陵臺上闢重扃
騰騰光燄爭鶉火
冉冉煙霞落洞庭
獨挂穹顛暗搔首
晚風聊與酌湘醽

吳江舟中

短檠出煙汀
煙外聞疎語
野水綠三篙
秋花紅半渚
樹梢衝霧立
帆影帖波行
更無吹篷過
聊此倚琴橫

新安

秦坑趙長平楚坑秦新安禍莫大於殺已降秦趙之坑若
循環白起項羽皆齒劍沛公長者先入關當時人力不相
抗二十萬人同日葬地下應笑諸儒生議禮不決如降兵

阿房故址

秦人土木楚人火化作飛塵向空墮漢武不惜柏梁災更
起建章連馭娑尉斗潛移廢赤符漸臺一炬無青瑣長樂
牛飲面首開華清象舞腰支鞞從來奢麗極荒淫必以兵
戈蕩堆堞秦王倒海鞭山才一宮未成三戶夥金銀珠玉
錮驪山焚林又被牧童禍生不得居璇宮死不得葬蓬顆
昔時可建百丈旗今日惟見酒幟飄飄柳陰坐昔時可宴
千人帳今日惟見繡壤平鋪麥浪妥頗訝夷陵報劫灰但
餘德水流澹沱行人休抱牧之哀大風乍起揚掘堞

華清泉歌

靈湫百丈陰火煮浸玉跳珠互吞吐不寒不熱含溫和干
人萬人滌塵土開元天子華清遊海棠睡足鴛鴦浮銀河
七夕泛牛女金蝦蟆化黃長蚪洗兒初罷賜湯餅鼎沸還
同景陽井長纓飛散滿梨園鈴雨郎當懷繡嶺我聞丁夫
王妃爲水仙潏汨揚華作溫泉飛廉佚女欲大恩穢行往
往遭風慎驪山豈信不祥地何處山川容祕戲老姥曾受
陰符經阿環況是滌池侍膩漲銷沈第二泉泉底歎噓冷
不然萬年銀海無朝燭空亭甃石生苔錢

題萬卷書屋圖示鑑兒

家無負郭田架有懸籤軸不惜罄俸錢漸已充牀屋先世
頗有藏貪嗜苦未足薄宦包山庭快意屠門肉且喜百城

擁何妨高閣束所願子孫傳汝輩豈能讀余日誦千言老
大徒秉燭汝不及百言少小已刻鵠屨屐雖云多淹洽竟
誰屬况彼饒記珠或乃譏書麓近時尚考訂櫛比致豪禿
達者工詞章華瞻誇錦簇數事非所能我言維可服從來
萬卷通不如一經熟窮經務遠大掩卷思往復禹貢治河
渠春秋斷疑獄如此榮稽古不然誚拘曲汝方補諸生妄
自期令僕出身重廉能居家先孝睦能收已放心自拓無
窮目求之貴有恆戒之在欲速讀書善提綱藏書眞式穀
吾年且衰矣終日勤案牘汝能任詒謀吾當返耕牧

慈雲片影石

陶山母氏兆卅年始樹表未爲守冢人欲作移山老山遠
不可移雲深不可掃趺足感秋霜迴首戀春草片石方且

巖隆窠含窈窕得之菩薩巖攜來仙人島山形具體微雲
氣隨心造鴟夷隔緜邈馬鬣見環抱豈惟具袍笏直令懷
襪祿供養琴書閒對影憶詩討疎窗入晴暉時有白雲繞

石室書院和許生

桂林

仍用東坡和蔡景繁海州石

室韻

東海后孟傳經處禮門初啟無歧路匡鼎說詩解人頤一
掃別風與淮雨蕭公太傅于丞相漢時人物真有數類以
經術爲名臣俎豆千秋仰祠宇賢哉教授有二疏至今樓
在還題墓蘭陵郟承辦紛紜景行皆宜奠清醑宋世詩豪
石曼卿奇情自是芙蓉主胸山化作度索山舒錦錯繡映
巖戶蘇公游接蔡公游求仙莫羨童男女我來觀海先觀
瀾秦東門外色飛舞前輩風流不可期後來秀傑誰能伍

地
道
道
敏
樹
樹
須
裁
春
雨
養
花
花
正
吐
重
開
石
室
橫
皋
比
敢
謝
雷
門
持
布
鼓
抗
顏
都
講
方
鏗
鏗
挾
策
從
游
盡
楚
楚
不
聞
冰
車
鐵
馬
聲
但
與
博
帶
褒
衣
語
興
學
當
追
曲
臺
戴
投
詩
輒
遇
平
輿
許
名
章
俊
句
知
襟
期
琪
樹
瓊
林
重
風
土
願
同
河
伯
向
海
若
直
以
耳
孫
求
鼻
祖
花
老
室
荒
匪
自
今
經
明
行
修
定
如
古
笑
余
何
術
兼
官
師
朱
墨
丹
鉛
度
朝
暮

漂母祠

淮陰一生誤在報謂我報人人報我解衣推食當酬恩烏
盡弓藏竟罹禍王孫一飯母先哀望報分明指禍胎可憐
舛望夷鐘室何似全身返釣臺張韓以外功皆狗張也辟
穀韓授首奇才感動兩神人一黃石公一漂母

自題乘槎亭觀日出圖

亭名始見坡公詩建亭之處人莫知我於龍洞讀宋刻亭
在山頭與海直龍興山東燭龍起山下沈沈夜未已波光
激射梁栢紅如見坡詩圖畫裏獨憐詩和陳海州陳公名
字難搜求山亭頗似峴山在湛輩足跡誠悠悠聯吟蘇海
尚如此寫照秦山徒爲爾圖中石壁掃煙霾笑將題筆當
摩崖

題吳天發神讖碑

嶧山碑經野火焚秦山刻石亡斧斤祖龍文字雖奇古遺
壁空說瀉池君吳皓淫虐浮於政小國亦侈封巒文國山
未禪巖山刻上天帝言山出銀天璽元年棗月朔費雩行
視華覈聞其年陽羨表石室明年天紀紀功勳是時臨平
湖開石印發一千二百八十符瑞何紛紜五稔青蓋已入

洛三段殘碣徒埋雲獨有皇休明小篆妙入神此碑險勁
復沈著一洗東京輒美氣習追先秦歷千五百有餘載自
山轉徙親香芸籌思亭後幾再礪尊經閣下宜三熏如何
歲在乙丑之臬月諱諱出出起東緼聖人意蓋誅矯誣燔
之俾與臣斯泯日余宰臨津善卷洞側摩米罔今得此碑
火前搨猶識竹根釵股春潮紋惜哉如此筆胡弗寫皇墳
詩題炯戒忽發嘸若令長在山谷今猶存

王賡言字簣山諸城人乾隆癸丑進士授吏部主事歷
官江安督糧道有簣山堂詩鈔

早行

東方猶未晞殘月掛高樹客子夜不眠呼童問前路山深
蹊徑幽蔓草被清露跨水一橋橫疎星明古渡遙聞叱牛

聲人在雲深處

德安道中

盡日雨濛濛人行翠靄中山巒迷向背村舍誤西東水近魚蝦足樓寒鳥雀空嶺南逢驛使梅信已潛通

潯陽館舍

孤城浩淼足煙波北望其如旅況何益浦地卑霜信早衡陽山近雁聲多庾公清興今消歇王濬樓船不再過聖世久無遷謫恨琵琶一曲爲誰歌

閻紹世字衣庭朝邑人乾隆癸丑進士官洪洞知縣

燕臺書懷

西瞻雲隴暮東悵漢津秋兩地分歸夢三更併客愁葛帷風氣入蕉牖雨聲留欲借鄰家笛悽清發越謳

晚晴移詩匯卷一百八終